

Agenda – Y Cyfarfod Llawn

Lleoliad y cyfarfod:

Siambr Hywel – Tŷ Hywel

Dyddiad y cyfarfod:

Dydd Mercher, 24 Medi 2025

Amser y cyfarfod: 13.30

299 (v4)

Cynhelir y cyfarfod hwn ar ffurf hybrid, gyda rhai Aelodau yn Siambr Hywel, Tŷ Hywel ac eraill yn ymuno drwy gyswllt fideo.

1 Cwestiynau i Ysgrifennydd y Cabinet dros Drafnidiaeth a Gogledd Cymru

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd i'r Ysgrifennydd Cabinet ar ôl Cwestiwn 2.

[Gweld y Cwestiynau](#)

2 Cwestiynau i Ysgrifennydd y Cabinet dros Gyfiawnder Cymdeithasol, y Trefnydd a'r Prif Chwip

(45 munud)

Bydd y Llywydd yn galw ar lefarwyr y pleidiau i ofyn cwestiynau heb rybudd i'r Ysgrifennydd Cabinet ar ôl Cwestiwn 2.

[Gweld y Cwestiynau](#)

3 Cwestiynau i Gomisiwn y Senedd

(10 munud)

[Gweld y Cwestiynau](#)

4 Cwestiynau Amserol

(0 munud)

Ni dderbyniwyd unrhyw Gwestiynau Amserol



Senedd Cymru
Welsh Parliament

5 Datganiadau 90 eiliad

(5 munud)

6 Dadl ar ddeiseb: P-06-1494 Llywodraeth Cymru i ddiogelu cyllid mewn addysg rhag toriadau Llywodraeth Cymru ac Awdurdodau Lleol

(30 munud)

NDM8982 [Carolyn Thomas \(Gogledd Cymru\)](#)

Cynnig bod y Senedd:

Yn nodi'r ddeiseb '[P-06-1494 Llywodraeth Cymru i ddiogelu cyllid mewn addysg rhag toriadau Llywodraeth Cymru ac Awdurdodau Lleol](#)' a gasglodd 11,040 o lofnodion.

7 Dadl ar adroddiad Pwyllgor yr Economi, Masnach a Materion Gwledig: Deallusrwydd Artiffisial ac Economi Cymru: A all androidau Cymru freuddwydio am ddefaid trydan?

(30 munud)

NDM8983 [Andrew R.T. Davies \(Canol De Cymru\)](#)

Cynnig bod y Senedd yn nodi:

Adroddiad Pwyllgor yr Economi, Masnach a Materion Gwledig, 'Deallusrwydd Artiffisial ac Economi Cymru: A all androidau Cymru freuddwydio am ddefaid trydan?', a [osodwyd](#) yn y Swyddfa Gyflwyno ar 20 Mai 2025, ac y [gosodwyd](#) ymateb iddo gan Lywodraeth Cymru ar 16 Medi 2025.

8 Dadl ar adroddiad y Pwyllgor Newid Hinsawdd, yr Amgylchedd a Seilwaith: Craffu blynyddol: Comisiwn Seilwaith Cenedlaethol Cymru 2024

(30 munud)

NDM8986 [Llyr Gruffydd \(Gogledd Cymru\)](#)

Cynnig bod y Senedd:

Yn nodi adroddiad y Pwyllgor Newid Hinsawdd, yr Amgylchedd a Seilwaith: Craffu blynyddol: Comisiwn Seilwaith Cenedlaethol Cymru 2024, a [osodwyd](#) ar 24 Ebrill 2025.

Noder: [Gosodwyd](#) ymateb Llywodraeth Cymru i'r adroddiad yn y Swyddfa Gyflwyno ar 16 Medi 2025. [Ymatebodd](#) Comisiwn Seilwaith Cenedlaethol Cymru ar 8 Mai 2025.

9 Dadl y Ceidwadwyr Cymreig – y GIG

(60 munud)

NDM8984 [Paul Davies \(Preseli Sir Benfro\)](#)

Cynnig bod y Senedd:

1. Yn aildatgan y dylai GIG Cymru barhau i fod am ddim yn y man darparu a chael ei ariannu ag arian cyhoeddus, ac na ddylai gael ei ddisodli gan system sy'n seiliedig ar yswiriant.

2. Yn gresynu, ers etholiad y Senedd 2021 a Chytundeb Cydweithio Llywodraeth Cymru â Phlaid Cymru:

a) bod dros 38,000 o bobl Cymru wedi marw tra'n aros am driniaeth y GIG; a

b) bod cyfanswm llwybrau cleifion wedi cynyddu tua traean.

3. Yn galw ar Lywodraeth Cymru i atal rhagor o farwolaethau diangen drwy:

a) datgan argyfwng iechyd i gyfeirio adnoddau a chyfarpar Llywodraeth Cymru tuag at dorri rhestrau aros y GIG;

b) gwarantu uchafswm o flwyddyn i aros am driniaethau;

c) cyflwyno gwarant o saith diwrnod o aros am apwyntiad meddyg teulu;

d) cynnal cynllun cynhwysfawr o recriwtio a chadw ar gyfer GIG Cymru;

e) adeiladu rhagor o ganolfannau llawfeddygol ac ehangu canolfannau diagnostig cyflym;

f) adfer dewis y claf o ran lle y gall gael mynediad at ofal iechyd; a

g) lansio cynllun gweithredu ar gyfer canser.

Cyflwynwyd y gwelliannau a ganlyn:

Gwelliant 1 [Jane Hutt \(Bro Morgannwg\)](#)

Dileu popeth ar ôl pwynt 1 a rhoi yn ei le:

Yn croesawu'r cyllid ychwanegol o £120 miliwn i ddileu'r holl amseroedd aros o ddwy flynedd a lleihau maint cyffredinol y rhestr aros erbyn diwedd mis Mawrth 2026.

Yn croesawu camau i atal mwy o farwolaethau cancer drwy lansio rhaglen genedlaethol wedi'i thargeddu ar gyfer sgrinio cancer yr ysgyfaint yng Nghymru a chynyddu mynediad at y rhaglen sgrinio cancer y coluddyn.

Yn nodi:

- a) bod amseroedd aros hir o fwy na dwy flynedd am driniaeth bellach 88.6 y cant yn is na'r brig ym mis Mawrth 2022; ac
- b) mai ychydig dros 21 wythnos yw'r amser aros cyfartalog am driniaeth.

Os derbynnir gwelliant 1, caiff gwelliant 2 ei ddad-ddethol.

Gwelliant 2 [Heledd Fychan \(Canol De Cymru\)](#)

Dileu popeth ar ôl pwynt 1 a rhoi yn ei le:

Yn gresynu at:

- a) polisïau llywodraethau olynol San Steffan sydd wedi agor y drws i breifateiddio yn y GIG, gan gynnwys y fenter cyllid preifat;
 - b) methiant Llywodraeth Geidwadol flaenorol y DU a Llywodraeth Lafur bresennol y DU i ddarparu setliad ariannu teg i Gymru sy'n adlewyrchu ei hanghenion iechyd a gofal cymdeithasol;
 - c) polisïau llymder Llywodraeth Geidwadol flaenorol y DU, a gyfrannodd yn uniongyrchol at farwolaethau ychwanegol yng Nghymru a chanlyniadau iechyd sy'n gwaethygu; a
 - d) y safonau dwbl gan Lywodraeth Geidwadol flaenorol y DU o ran cydymffurfio â rheoliadau COVID a erydodd ymddiriedaeth mewn mesurau iechyd y cyhoedd.
- Yn gresynu ymhellach bod cyfanswm llwybrau cleifion wedi cynyddu tua thraean ers etholiad y Senedd yn 2021.

Yn galw ar Lywodraeth Cymru i atal mwy o farwolaethau diangen drwy:

- a) datgan argyfwng iechyd; a
- b) gweithredu cynllun Plaid Cymru, a gyhoeddwyd ym mis Ionawr 2025, i fynd i'r afael â rhestrau aros.

10 Cyfnod pleidleisio

11 Dadl Fer

(30 munud)

NDM8966 [Mark Isherwood \(Gogledd Cymru\)](#)

Sicrhau gofal hosbis yng Nghymru ar gyfer y dyfodol

Cynhelir Cyfarfod Llawn nesaf y Senedd am 13.30, Dydd Mawrth, 30 Medi 2025